



# GEREJA KRISTEN PROTESTAN SIMALUNGUN (GKPS)

## SIMALUNGUN PROTESTANT CHRISTIAN CHURCH

Pimpinan Sinode GKPS

Ephorus : Pdt. Dr. Deddy Fajar Purba

Sekretaris Jenderal : Pdt. Dr. Paul Ulrich Munthe

No. : 081/3-PS/2021

Hal :

Pematangsiantar, 7 Maret 2021

### TONAH NI PIMPINAN SINODE BANI MINGGU INANG GKPS / HARI PEREMPUAN INTERNASIONAL 2021

Nahinaholongan:  
Haganup Kuria GKPS  
Tiba Pengantar Jemaat  
Bani ianan ni bei.

Salam ibagas goran ni Tuhan Yesus Kristus !

Selamat Minggu Inang GKPS pakon Hari Perempuan Internasional ma bani nasiam!

Bani na torus hita mardalan mandompakkon panorang na borat on i tongah-tongah ni negaranta sonai dunia on, sihol do uhurta sadari on mamestahon pardingatan parjongjong ni Seksi Inang GKPS ke-63 na ipadomu pakon Hari Perempuan Internasional. Sadalan hujai, ipakei hanami panorang on padaskon tonahnami hubani nasiam kuria ni Tuhan na marmalas ni uhur sadari on.

1. Age pe i tongah-tongah ni hamaholon ampa situasi na borat ope hita mamestahon Minggu Inang GKPS/Hari Perempuan Internasional hinorhon ni Pandemi Covid-19, talup do hita sadari on manonggohon haganup inang tarlobih inang GKPS irik martarimakasih bani holong na tongtong ipataridahkon sidea bani goluhni siganup ari. Somalni sadari on marpesta do hita marhasoman bagei kegiatan olat ni na tarbahen hita bei, tapi domu hubani pandemi Corona Virus na mambatasi langkah pakon jarak samah hita, lang ope tarbahen hita marpesta songon na somal. Tapi pos do uhnami, pesta Minggu Inang ampa Hari Perempuan Internasional sadari on totap do boi pataridahkon hasadaon pakon pangidangion na marbuahkon hadearon songon na hinatahon ni Tema Kegiatan GKPS tahun 2020-2025.
2. Talup do hita martarimakasih hubani Tuhan na dob mangkaporsayahon Seksi Inang GKPS gabe parhiteian-Ni mandalankon horja pangidangion i kuria-Ni na sain dokah. Hajongjongan gabe inang aima sada pandiloon na humbani Naibata laho patorsahon, paulihon, pakon pataridahkon holong i tongah-tongah ni kuria tarlobih rumah tangga. Rap pakon inang ganupan horja boi do lambin urah; uhur na horsang, gobir, maruntol janah galek, jumpahan pangarapan pakon gogoh na bayu do anggo marhasomankon inang. Ase horja pakon tanggungjawab ni sahalak inang lang na urah janah hampung tarlobih bani zaman milenial sonai homa pandemi nuan on. Hansi pe sonai, pos do uhur paboa totap do ipargogohi Tuhan haganup inang GKPS mandalankon pandiloorni. Isolasi atap pambolation na maningon idalankon hita domu hubani protokol kesehatan nuan on boi do homa gabe sada kesempatan banta laho mangidah sonaha argani parsoran pakon hasadaon i tongah-tongah ni rumah tangga marhitei kebersamaan mangkorjahon bagei ni horja na mader.
3. Malas do homa uhurta paboa dob iberlakuon Tata Gereja GKPS na baru marhitei Sidang Sinode Bolon ke-44, maronjolan bani Tata Kerja ni Seksi Kategorial, domma irasmihon goran ni Seksi Wanita GKPS gabe Seksi Inang Gereja Kristen Protestan Simalungun. Tontu domma bagas ipingkirhon pakon itulimati hita pasal perubahan ni goran in janah i atas ni haganupan ai, sada do na gabe tujuannya aima sonaha ase lambin torsa mardalan horja pandiloon ni seksi on laho marhasadaon, marsaksi pakon mangidangi i tongah-tongah ni kuria in.

Pos do uhnami, ibagas malas ni uhur na humbani Tuhan do nasiam marpesta sadari on janah totap do hita ipasada ibagas tonggo pakon panrahut ni holong na humbani Tuhanta.

Salam pakon tonggo,  
Pimpinan Sinode GKPS



Pdt. Dr. Deddy Fajar Purba  
Ephorus



Pdt. Dr. Paul Ulrich Munthe  
Sekretaris Jenderal

Tembusan:

- Praeses Distrik I-XI
- Pengurus GKPS Resort
- File

Kantor Sinode  
Jln. Pdt. J. Wismar Saragih no. 23  
Kotak Pos 101  
Pematangsiantar 21142  
INDONESIA

Telp : (0622) 23676  
Fax : (0622) 22626  
Email : [gkps@gkps.or.id](mailto:gkps@gkps.or.id)  
Website : <https://gkps.or.id>